

Bosna i Hercegovina
Federacija Bosne i Hercegovine
KANTON SARAJEVO
Kantonalna javna ustanova za zaštićena prirodna područja

CJENOVNIK

**o naplati ulaza i drugih usluga u zaštićenim prirodnim područjima Kantona
Sarajevo**

Sarajevo, juli 2023. godine

Na osnovu člana 27. alineja 6. Zakona o ustanovama („Službeni list R BiH“ br., 6/92, 8/93 i 13/94), člana 22. tač. c) Zakona o proglašenju Spomenika prirode „Vrelo Bosne“ („Službene novine Kantona Sarajevo“, broj 6/10– Prečišćeni tekst), člana 22. tač. c) i d) Zakona o proglašenju Zaštićenog pejzaža „Bijambare“ („Sl. novine Kantona Sarajevobroj 6/10-Prečišćeni tekst), člana 18. Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj 31/17) i člana 26. tačka f) Pravila Kantonalne javne ustanove za zaštićena prirodna područja broj:01-144-IU.O./17 od 27.06.2018. godine, Upravni odbor Kantonalne javne ustanove za zaštićena prirodna područja na sedmoj redovnoj sjednici održanoj dana 13.07.2023. godine, d o n i o j e

C J E N O V N I K

o naplati ulaza i drugih usluga u zaštićenim prirodnim područjima Kantona Sarajevo

I- PREDMET CJENOVNIKA

Član 1.

Cjenovnikom o naplati ulaza i drugih usluga u zaštićenim prirodnim područjima Kantona Sarajevo (u daljem tekstu: Cjenovnik) utvrđuju se cijene naplate ulaza u područje Spomenika prirode “Vrelo Bosne”, zatim cijene naplate ulaza u područje Zaštićenog pejzaža “Bijambare”, cijene usluga obilaska Srednje bijambarske pećine uz pratnju vodiča, kao i cijene usluga vodiča kroz zaštićeno prirodno područje, zatim cijene iznajmljivanja sale u sklopu Informativno-Edukacionog centra na Bijambarama kao i cijene turističkih usluga na svim zaštićenim prirodnim područjima. Također, ovim cjenovnikom definišu popust za dodatno povlaštene kategorije stanovništva prilikom naplate ulaza u zaštićena prirodna područja, kao i kategorije koje su oslobođene naplate ulaza, te odredbe o načinu donošenja i primjene cjenovnika.

II- CIJENE ULAZA U PODRUČJE SPOMENIKA PRIRODE “VRELO BOSNE”

Član 2.

U područje Spomenika prirode “Vrelo Bosne” utvrđuju se slijedeće cijene ulaza:

KATEGORIJA	CIJENA ULAZNICA (KM)- SA UKLJUČENIM PDV-om
Individualna ulaznica za odrasle osobe- STRANI POSJETIOCI I TURISTI	6,00
Individualna ulaznica za djecu starosti od 6-18 godina – STRANI POSJETIOCI I TURISTI	3,00
Individualna ulaznica za odrasle osobe- DOMACI POSJETIOCI	3,00
Individualna ulaznica za penzionere i djecu starosti od 6-18 godina – DOMAĆI POSJETIOCI	2,00

Individualna ulaznica za odrasle osobe u kategoriji dodatno povlaštenih lica- DOMAĆI POSJETIOCI	1,00
Individualna ulaznica za djecu do 6 godina stasrosti	besplatno
Prodaja razglednica sa motivima zaštićenih prirodnih područja	2,00

III- CIJENE ULAZA I USLUGA U PODRUČJE ZAŠTIĆENOG PEJZAŽA “BIJAMBARE”

Član 3.

U područje Zaštićenog pejzaža “Bijambare” utvrđuju se slijedeće cijene ulaza:

KATEGORIJA	CIJENA ULAZNICA (KM)- SA UKLJUČENIM PDV-om
Individualna ulaznica za odrasle osobe- STRANI POSJETIOCI I TURISTI	5,00
Individualna ulaznica za djecu starosti od 6-18 godina- STRANI POSJETIOCI I TURISTI	3,00
Individualna ulaznica za odrasle osobe- DOMAĆI POSJETIOCI	2,00
Individualna ulaznica za penzionere i djecu starosti od 6-18 godina- DOMAĆI POSJETIOCI	1,00
Individualna ulaznica za odrasle osobe u kategoriji dodatno povlaštenih lica- DOMAĆI POSJETIOCI	1,00
Individualna ulaznica za djecu do 6 godina starosti	besplatno
Prodaja razglednica sa motivima zaštićenog prirodnih područja	2,00

Član 4.

U području Zaštićenog pejzaža “Bijambare” utvrđuju se slijedeće cijene ulaza u Srednju Bijambarsku pećinu:

KATEGORIJA	CIJENA ULAZNICA (KM)- SA UKLJUČENIM PDV-om
Individualna ulaznica za obilazak Glavne bijambarske pećine -odrasle osobe- STRANI POSJETIOCI I TURISTI	6,00
Individualna ulaznica za obilazak Glavne bijambarske pećine - djeca starosti od 6-18 godina- STRANI POSJETIOCI I TURISTI	4,00
Individualna ulaznica za obilazak Glavne bijambarske pećine -odrasle osobe- DOMAĆI POSJETIOCI	4,00

Individualna ulaznica za obilazak Glavne bijambarske pećine - penzioneri i djeca starosti od 6-18 godina- DOMAĆI POSJETIOCI	3,00
Grupne ulaznice za studente i djecu starosti od 6 do 18 godina- DOMAĆI POSJETIOCI	2,00
Individualna ulaznica za djecu starosti do 6 godina	besplatno
Usluge pratnje vodiča po zaštićenom području	100KM /sat
Prodaja razglednica sa motivima zaštićenog prirodnih područja	2,00

Član 5.

Ovim cjenovnikom se utvrđuju cijene usluga iznajmljivanja sale koja se nalazi u sklopu Informativno-Edukacionog centra na području Zaštićenog pejzaža "Bijambare" na način kako slijedi:

NAZIV USLUGE	PERIOD	
	radni dan	vikendima
Izdavanje sale u objektu "Bijambare" do 30 mjesta, sa pratećom opremom (LCD projektor, računar, WI – FI, flipchart, tehnička podrška...)/sat	60,00	80,00
Izdavanje sale u objektu "Bijambare" do 30 mjesta bez prateće opreme /sat	50,00	70,00

IV- NAKNADE ZA POSEBNE DOGAĐAJE U ZAŠTIĆENIM PRIRODNIM PODRUČJA

Član 6.

Pored naplate ulaza u područja i drugih usluga koje pruža Kantonalna javna ustanova za zaštićena prirodna područja na prostorima Spomenika prirode "Vrelo Bosne" i Zaštićenog pejzaža "Bijambare", ovim cjenovnikom se utvrđuju i cijene drugih usluga koje su komercijalnog karaktera, a odvijaju se od strane trećih lica na svim zaštićenim prirodnim područjima Kantona Sarajevo (Spomenik prirode "Vrelo Bosne", Spomenik prirode "Skakavac", Zaštićeni pejzaž "Bijambare", Zaštićeni pejzaž "Trebević" i Zaštićeni pejzaž "Bentbaša") na način kako slijedi:

NAZIV USLUGE	PERIOD	
	sat/KM	dan/KM
Snimanje u prostoru u komercijalne svrhe	35,00	200,00
Snimanje u pećini u komercijalne svrhe	50,00	300,00
Organizacija događanja na otvorenom koja ne uključuje usluge Javne ustanove	50,00	300,00

V- OSLOBAĐANJE OD PLAĆANJA ULAZA KAO I POPUST ZA ODREĐENE KATEGORIJE POSJETILACA I TURISTA I POVLAŠTENE KATEGORIJE POSJETILACA I TURISTA

Član 7.

Oslobađanje na cijene ulaza u područje Spomenika prirode "Vrelo Bosne" i Zaštićenog pejzaža "Bijambare" imaju slijedeće kategorije posjetilaca i turista:

1. Djeca bez roditeljskog staranja sa pratiocima
2. Djeca sa poteškoćama u razvoju sa pratiocima
3. Djeca do 6 godina starosti i
4. Naučne i obrazovne institucije, te organizacije nevladinog sektora koje se bave zaštitom okoliša uz prethodnu najavu i pismenu saglasnost direktora Javne ustanove.

Član 8.

(1) Pod dodatno povlaštenim kategorijama posjetilaca smatraju se:

1. stanovništvo sa prebivalištem na području općina na kojima se nalaze područje Spomenika prirode "Vrelo Bosne" i područje Zaštićenog pejzaža "Bijambare" uz pokaz identifikacionog dokumenta;
2. RVI uz pokaz odgovarajućeg dokumenta;
3. Šehidske porodice i porodice poginulih boraca uz pokaz odgovarajućeg dokumenta.

(2) Dodatno povlaštene kategorije posjetilaca iz stava (1) ovog člana imaju popust samo na cijene ulaza u područje Spomenika prirode "Vrelo Bosne" i Zaštićenog pejzaža "Bijambare".

VI – OSTALE ODREDBE

Član 9.

Uslovi pod kojima će se vršiti usluge iz čl. 5. i 6. Cjenovnika će se propisivati u skladu sa mjerama zaštite i dozvoljenim aktivnostima koji su propisani Zakonom o zaštiti prirode pojedinačnim zakonima o proglašenju zaštićenih prirodnih područja i planovima upravljanja a detaljno će se razraditi pojedinačnim uputstvima.

Član 10.

Direktor u okviru svojih ovlaštenja ima pravo i mogućnost da sklapa ugovore sa turističkim agencijama kojim će se urediti pitanja organizovanog dolaska posjetioca i turista na zaštićena prirodna područja Kantona Sarajevo, uslovi i načini odvijanja posjete kao i rok i način plaćanja.

Član 11.

Izmjene i dopune ovog cjenovnika vrše se na način koji je utvrđen za njegovo donošenje.

Član 12.


Cjenovnik stupa na snagu donošenjem od strane Upravnog odbora a primjenjivat će se danom davanja saglasnosti od strane Vlade Kantona Sarajevo.

Član 13.

Donošenjem ovog cjenovnika stavlja se van snage Cjenovnik ulaznica za posjetu Spomeniku prirode „Vrelo Bosne“ broj: 400 U.O./13 od 15.04.2013. godine, Cjenovnik ulaznica i drugih usluga na području Zaštićenog pejzaža „Bijambare“ broj: 657 U.O./13 od 31.05.2013. godine, Cjenovnik o izmjeni Cjenovnika ulaznica i drugih usluga na području Zaštićenog pejzaža „Bijambare“ broj: 63 U.O./14 od 28.01.2014. godine i Cjenovnik o izmjeni Cjenovnika ulaznica za posjetu Spomeniku prirode „Vrelo Bosne“ broj: 477-2-2 U.O./15 od 23.03.2015. godine.

Član 14.

Ovaj cjenovnik će se objaviti na web stranici www.zppks.ba i u “Službenim novinama Kantona Sarajevo”.


**Predsjednik
Upravnog odbora**
Mario Vukasović

Broj: 01- 675 /23
U Sarajevu, 17.07.2023. godine

O B R A Z L O Ž E N J E

Pravni osnov:

Pravni osnov za donošenje je sadržan u odredbama člana 27. alineja 6. Zakona o ustanovama („Službeni list R BiH“ br., 6/92, 8/93 i 13/94) kojim je predviđeno da upravni odbor donosi opšti akt o unutrašnjoj organizaciji i sistematizaciji poslova i druge opšte akte u skladu sa zakonom i pravilima ustanove, zatim odredbi čl. 22. tač. c) Zakona o proglašenju Spomenika prirode „Vrelo Bosne“ („Službene novine Kantona Sarajevo“, broj 6/10– Prečišćeni tekst), čl. 22. tač.c) i d) Zakona o proglašenju zaštićenog pejzaža „Bijambare“ („Sl. novine Kantona Sarajevo broj 6/10-Prečišćeni tekst), kojima je propisano da se sredstva za obavljanje poslova zaštite obezbjeđuju se iz slijedećih izvora: prihoda od prodaje ulaznica, pristupnica specijalnim događajima, naknade za parkiranja, kampiranje i turističkih usluga.

Razlozi za donošenje:

U Kantonalnoj javnoj ustanovi za zaštićena prirodna područja se primjenjuju Cjenovnik ulaznica za posjetu Spomeniku prirode „Vrelo Bosne“ broj: 400 U.O./13 od 15.04.2013. godine i Cjenovnik ulaznica i drugih usluga na području Zaštićenog pejzaža „Bijambare“ broj: 657 U.O./13 od 31.05.2013. godine, koji su usvojeni još tokom 2013. godine. Cijene koje su i tada uvedene su bile više socijalnog nego komercijalnog karaktera iz razloga što se konkretno išlo ka tome da se ne oštete socijalne kategorije posjetilaca i turista.

Vremenom razvojem i promocijom zaštićenih prirodnih područja u Javnoj ustanovi su se upućivali različiti upiti za pružanje različitih vidova usluga što se pokušalo objediniti ovim prijedlogom cjenovnika.

S tim u vezi direktor Javne ustanove je Odlukom broj: 03-499/23 od 19.05.2023. godine imenovao Radna komisiju za pripremu Prijedloga cjenovnika naplate ulaza i drugih usluga u zaštićenim prirodnim područjima Kantona Sarajevo- Spomeniku prirode „Vrelo Bosne“ i Zaštićenom pejzažu „Bijambare“ i to u slijedećem sastavu:

1. Azra Pindžo, predsjednik Komisije,
2. Elma Reiz-Bešić, član,
3. Harita Čolaković, član i
4. Emir Kepeš, član.

Sekretar Radne komisije je Emira Sadiković.

Radna komisija u okviru svojih ovlasti je započela aktivnosti na izradi Prijedloga cjenovnika naplate ulaza i drugih usluga u zaštićenim prirodnim područjima Kantona Sarajevo, tačnije na području Spomenika prirode „Vrelo Bosne“ i Zaštićenog pejzaža „Bijambare“ gdje se i zvanično vrši naplata ulaza te je na osnovu analize postojeće zakonske legislative, zatim dobre prakse zaštićenih prirodnih područja iz okruženja kao i potreba saglasala sve aspekte i mogućnosti i direktoru predložila Cjenovnik sa obrazloženjima.

Obrazloženje pojedinačno svake odredbe Prijedloga cjenovnika:

Član 1. prijedloga cjenovnika definiše predmet cjenovnika

Članom 2. su utvrđene cijene ulaza u područje Spomenika prirode „Vrelo Bosne“ tačnije u

područje Prve zone zaštite Spomenika prirode.

Razlozi za predlaganje navedenih cijena su:

- smanjenje pritiska broja posjetioaca i turista u Prvoj zoni zaštite Spomenika prirode „Vrelo Bosne“ zbog očuvanja vrijednih hidrolških, faunističkih i florističkih vrijednosti.
- globalno povećanje troškova je dovelo do povećanja izdataka na radnu snagu, robe, usluge,...
- tendencija ka samoodrživosti zaštićenog prirodnog područja.

Također su uvedene posebne cijene ulaza i za strane državljane koje posjećuju zaštićeno prirodno područje jer je praksa pokazala da se u turističkoj sezoni zaštićena prirodna područja posjti veliki broj strnih turista.

Cijene su formirane u zavisnosti od ciljne skupine posjetilaca i prilagođavanja njihovim potrebama, te na bazi analize koja je bazirana na praksi zaštićenih prirodnih područja iz regiona, kao i analize trenutne situacije i potreba zaštite prirodnih vrijednosti prostora.

Cjenovni modeli su određeni na bazi diferenciranih cijena ulaznica po identifikovanim ciljnim grupama. Predložene su osnovne cijene za strane turiste, a domaći posjetioaci imaju preferencijalni status i umanjenu cijenu ulaznice. Dodatno su cjenovno razrađene kategorije koje se odnose na djecu, penzionere i ostale ciljne grupe kod kojih je dokazana opravdanost kreiranja umanjanih vrijednosti predložene osnovne cijene.

Članom 3. su predložene cijene ulaza u područje Zaštićenog pejzaža “Bijambare.

Razlozi za predlaganje navedenih cijena su:

- tendencija ka samoodrživosti zaštićenog prirodnog područja
- globalno povećanje troškova je dovelo do povećanja izdataka na radnu snagu, robe, usluge,.

Također su uvedene posebne cijene ulaza i za strane državljane koje posjećuju zaštićeno prirodno područje, jer je utvrđeno i smatra se ekonomski opravdanom prilikom da zemlje u razvoju primjenjuju model po kojem se diferenciraju cijene prema stranim turistima i prema lokalnom stanovništvu, kao i prakse kao što su cjenovna elastičnost lokalnog stanovništva koja se razlikuje po ciljnim grupama.

Članom 4. su predložene cijene obilaska Srednje bijambarske pećine kao I zaštićenog prirodnog područja.

Srednja bijambarska pećina predstavlja izuzetno vrijedan objekat prirodnog naslijeđa čije pretjerane i mnogobrojne posjete mogu imati negativan uticaj na očuvanost vrijednog ekosistema podzemnog svijeta, te je podizanje vrijednosti cijene pojedinačnih posjeta, sem ekonomskog aspekta koji bi omogućio kontinuitet prihoda za održavanje i unaprjeđenje infrastrukture, kao i razvoja kvaliteta usluga vođenja turističkih obilazaka od strane edukovanih vodiča, smanjio i uticaj na okoliš i umanjio negativne efekte koji bi mogli uticati na opstanak speleofaune, a koji bi se mogli desiti pretjeranom turističkom eksploatacijom. Prema iskustvima institucija koji upravljaju speleološkim objektima u turističke svrhe, broj posjeta i kvalitet same posjete, kao i zaštite ove vrste objekata je uslovljen visinom cijene njihovog obilaska. Povećanje cijene ulaza u Srednju bijambarsku pećinu bi trebalo da smanji opterećenost i moguće narušavanje vrijednosti ekosistema podzemnog svijeta, a istovremeno bi omogućio ostvarivanje prihoda neophodnih za izmirivanje obaveza za angažovanu radnu

snagu, robe i usluge neophodne za kontinuirano upravljanje i održavanje Srednje bijambarske pećine, a Samim tim i zaštićeno prirodno područje.

Član 5.-Na prostoru Zaštićenog pejzaža „Bijambare“ nalazi se objekat Informativno-edukacionog centra koji je namjenski rekonstruisan za potrebe upravljanja i promocije zaštićenog područja. Opremljen je sa edukacionom salom, koja raspolaže do tridesetak mjesta i pogodna je za odvijanje raznih radionica.

Osnovni cilj iznajmljivanja prostora i opreme u objektu i naplate naknade za iznajmljivanje prostora i opreme u istom jeste sticanje vlastitog prihoda koji će se preusmjeriti na razvoj, edukaciju i interpretaciju ovog prostora, kao i za nabavku i instaliranje nove, savremene opreme koja će odgovarati potrebama korisnika nevedenih usluga.

Iznajmljivanje prostora i opreme će biti definisano posebnim aktom.

Član 6.-Kantonalna javna ustanova za zaštićena prirodna područja upravlja sa pet zaštićenih prirodnih područja koja imaju prepoznatljive i kompleksne geološke, hidrološke, geomorfološke i biološke vrijednosti u kombinaciji sa autentičnim kulturnim i prirodnim naslijeđem.

Upravljanje ovim područjima zahtjeva i iznalaženje mogućnosti za proširenje mehanizama finansiranja koji će ubrzati razvoj prostora i omogućiti efikasnije upravljanje i njihovu zaštitu, te je u tom cilju predviđeno uvođenje naplate za korištenje prostora za fizička i pravna lica koja ostvaruju ekonomsku dobit obavljanjem određenih aktivnosti u prostoru.

Uslovi pod kojima će se vršiti usluge iz člana 6. Prijedloga cjenovnika će se propisivati u skladu sa mjerama zaštite i dozvoljenim aktivnostima koji su propisani Zakonom o zaštiti prirode pojedinačnim zakonima o proglašenju zaštićenih prirodnih područja i planovima upravljanja, a detaljno će se razraditi pojedinačim aktima na osnovu kojih će se izdavati saglasnosti za navedene usluge.

Član 7. Ovim članom su definisane kategorije posjetilaca koje su oslobođene plaćanja ulaza u zaštićena prirodna područja.

Član 8. Ovim članom su definisane povlaštene kategorije posjetilaca koje ostvaruju popust prilikom ulaza u zaštićena prirodna područja.

Članom 9. Ovim članom se razrađuje način pružanja usluga iz člana 5. i 6. Prijedloga cjenovnika.

Član 10.Ovim članom je predloženo da se direktoru, kao ovlaštenoj osobi, da mogućnost da zaključuje ugovore sa zainteresovanim turističkim agencijama po pitanju organiziranog dolaska posjetilaca i turista na zaštićena prirodna područja Kantona Sarajevo.

Član 11.Ovim članom je definisana procedura donošenja izmjena i dopuna Cjenovnika.

Član 12. Ovim članom Prijedloga cjenovnika je propisano da cjenovnik donese Upravni odbor Javne ustanove a Vlada Kantona Sarajevo da saglasnosti shodno članu 18. Odluke o osnivanju Kantonalne javne ustanove za zaštićena prirodna područja.

Članom 13. Prijedloga cjenovnika je uređeno stavljanje van snage važećih cjenovnika a članom 14. je predloženo objavljivanje po Uredbi Vlade Kantona Sarajevo.

Prilog:

- Prijedlog Cjenovnika o naplati ulaza i drugih usluga u zaštićenim prirodnim područjima Kantona Sarajevo



Broj: 02-04-39464-31.1/23
Sarajevo, 07.09.2023. godine

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj: 36/14 - Novi prečišćeni tekst i 37/14 - Ispravka) i člana 18. Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj: 31/17) Vlada Kantona Sarajevo, na 25. sjednici održanoj 07.09.2023. godine, donijela je

ODLUKU

O DAVANJU SAGLASNOSTI NA CJENOVNIK O NAPLATI ULAZA I DRUGIH USLUGA U ZAŠTIĆENIM PRIRODNIM PODRUČJIMA KANTONA SARAJEVO

I

Daje se saglasnost na Cjenovnik o naplati ulaza i drugih usluga u zaštićenim prirodnim područjima Kantona Sarajevo, broj: 01-675/23, koji je donio Upravni odbor Kantonalne javne ustanove za zaštićena prirodna područja na sedmoj sjednici održanoj dana 13.07.2023. godine.

II

Sastavni dio ove odluke je Cjenovnik o naplati ulaza i drugih usluga u zaštićenim prirodnim područjima Kantona Sarajevo broj: 01-675/23 od 17.07.2023. godine.

III

Ova odluka stupa na snagu danom donošenja, a objavit će se u „Službenim novinama Kantona Sarajevo“.


Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo,
3. Premijer Kantona Sarajevo,
4. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (2x),
5. Ministarstvo finansija Kantona Sarajevo,
6. Kantonalna javna ustanova za zaštićena prirodna područja (putem Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo),
7. Za objavu u „Službenim novinama Kantona Sarajevo“,
8. Evidencija,
9. Arhiva.



13.09.2023 06

Bosna i Hercegovina
Federacija Bosne i Hercegovine
KANTON SARAJEVO
Vlada



Босна и Херцеговина
Федерација Босне и Херцеговине
КАНТОН САРАЈЕВО
Влада

Bosnia and Herzegovina
Federation of Bosnia and Herzegovina
CANTON SARAJEVO
Government

Bosna i Hercegovina - Federacija Bosne i Hercegovine
KANTON SARAJEVO
KANTONALNA JAVNA USTANOVA ZA
ZAŠTIĆENA PRIRODNA PODRUČJA
Broj: 01-676-1/23
Datum: 14.09. 2023 god

Broj: 02-04-39464-31.2/23
Sarajevo, 07.09.2023. godine

Na osnovu člana 26. i 28. stav (2) Zakona o Vladi Kantona Sarajevo („Službene novine Kantona Sarajevo“, broj: 36/14 - Novi prečišćeni tekst i 37/14 - Ispravka) i člana 18. Odluke o osnivanju Kantonalne javne ustanove za zaštićena prirodna područja („Službene novine Kantona Sarajevo“, broj: 31/17) Vlada Kantona Sarajevo, na 25. sjednici održanoj 07.09.2023. godine, donijela je

ODLUKU **O DAVANJU SAGLASNOSTI NA CJENOVNIK O NAPLATI USLUGA PREVOZA** **ELEKTRIČNIM VOZILOM I TURISTIČKIM VOZOM NA ELEKTROPOGON U** **ZAŠTIĆENIM PRIRODNIM PODRUČJIMA KANTONA SARAJEVO**

I

Daje se saglasnost na Cjenovnik o naplati usluga prevoza električnim vozilom i turističkim vozom na elektropogon u zaštićenim prirodnim područjima Kantona Sarajevo, broj: 01-676/23, koji je donio Upravni odbor Kantonalne javne ustanove za zaštićena prirodna područja na sedmoj sjednici održanoj dana 13.07.2023. godine.

II

Sastavni dio ove odluke je Cjenovnik o naplati usluga prevoza električnim vozilom i turističkim vozom na elektropogon u zaštićenim prirodnim područjima Kantona Sarajevo broj: 01-676/23 od 17.07.2023. godine.

III

Ova odluka stupa na snagu danom donošenja, a objavit će se u „Službenim novinama Kantona Sarajevo“.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo komunalne privrede, infrastrukture, prostornog uređenja, građenja i zaštite okoliša Kantona Sarajevo (2x),



Adresa: Reisa Džemaludina Čauševića 1, 71 000 Sarajevo
Tel: + 387 (0) 33 562-000, Fax: + 387 (0) 33 562-076
Web: <http://vlada.ks.gov.ba>, E-mail: vlada@vlada.ks.gov.ba